

M O M O N I A,

S I V E

M O V N S T E R.



OMONIA, *Hibernicè* Mown, & in orationis contextu Wown, *Anglicè* Mounster *Vergivio* mari ad *Austrum* exposita jacet, à *Connachtia* nunc *Sineo* sive *Shanon* à *Lagenia* *Neoro* flumine uz. alicubi discreta: olim multifariam divisa, scilicet in *To-woun*, id est, *Borealis* *Comonia*, *Des-woun* i. *Australis* *Comonia*, *Hierwoun* i. *Occidua* *Comonia*, *Meanwoun* i. *Media* *Comonia*, & *Vrwoun* i. *Frons* *Comonia*; hodie autem bifariam in *Momoniam* *Occidentalem* & *Australem*.

Occidentalem antiquitus habitaverunt *LVCENI*, *VELABRI*, & *VTERINI*: *Australem* *OVDIÆ* sive *VODIÆ*, & *CORIONDI*. Nunc autem in septem Comitatus describitur, *Kerry*, *Desmoniam*, *Corcagiensem*, *Limiricensem*, *Tiperrariensem*, *S. Crucis*, & *Waterfordiensem*.

Qua *Hibernia* maxime in *Occasum* projecta & *Cantabrico* *Oceano* intenta *Gallitiam* *Hispania* ad *Africum* spatiofo intervallo procul spectat, *VELABRI* & *LVCENI*, ut author est *Orosius*, priscis seculis incoluerunt. *LVCENI* (qui à *LVCENSII* *Gallitiæ* in op-
posita *Hispaniæ* ora, & nomen & originem traxisse videantur, & quorum nominis reli-
quæ quadam supersunt in *Baronia* de *Lyxnaw*) in Comitatu *Kerry*, & in *Cono-*
glogh vicina ad *Sinei* fluminis fuisse sedem ut opinor, habuerunt.

COMITATUS K E R R Y.



Kerry Comitatus juxta *Sinei* ostium in mare ut lingua procurrat, fluctibus utrinque allatrantibus, regio avibus & sylvestribus montibus ædita, quibus crebrae interfunt valles cavæ alibi arvis distinctæ, alibi etiam nemoribus condensæ. Comitatus hic habetur *Palatinus*, Comitisque *Palatini* dignitatem & jura *Desmonia* *Comites* in hoc habuere munificentia *Regis* *Edwardi* *Tertii*, qui omnes *Regales* libertates, exceptis quatuor *Placitis*, uz. de incendio, raptu, *Forstall*, & *Thesauro* invento cum proficuo de *croccis* (*Regibus* *Angliæ* reservatis) illis concessit. Sed hominum iniquitate, qui libertate uti & noluerunt, & nescierunt, in malorum sentinam, & seditiosorum perfugium jampridem erat conversus. In limine hujus regionis territorium est *Clan-Morys*, à *Mauritio* quodam è stirpe *Raimundi* *Craffi*, cujus posterum *Barones* de *Lixnaw* appellati. Medium fluviolus nunc anonymus *Trailey* opidulum quodammodo desolatum (ubi *Desmonia* *Comites* ædes habuerunt)

Hibernia.

præterfluens interfecat, quem *DVR* esse *Pto-*
lemæi situs quodammodo dicit. Iuxta *Ardart*
est, ubi sedet *Episcopus*, dictus *Ardefartensis*,
& ille quidem indigus: in extremo fere promontorio hinc *Dingle* portus commodus, inde
Smerwic statio (sic contracte pro *S. Mary-wic*)
cernitur, ad quam nuper cum *Giraldus* *Des-*
monia *Comes* vir profunda in principem & patriam perfidia, scelerate assiduis agrorum vastationibus *Momoniam* attereret, appulsa est tumultuaria *Italorum* & *Hispanorum* manus, à *Gregorio* *Duodecimo* *Pontifice* *Romano* & *Hispano* in ejus auxilium submissa, qui loco hic stativis munito, quem *Fort del Ore* vocarunt, minis cælum terrebant. Sed illustrissimi & bellicosi *Baronis* *Domini* *Arthuri* *Grey*
Proregis adventus, & primus impetus rem de-
crevit. Protinus enim se dediderunt, & maximam partem è medio sublatis: quod rebus hujus regni sic ferentibus, & seditiosis undique imminentibus, consultissimum & tutissimum videbatur. Ipseque *Desmonius* tandem trepida fuga in vicinas sylvas conjectus, mox in turguriolo ab uno & altero milite irruente primum sauciatus, postea agnitus, capiteque truncatus perfidiæ, & vastatæ patriæ poenas dependit.

D

Gravi-

Clan-Mo-
rys.

Dur fl.
Ardart *E-*
piscopa-
tus.

Dingle.
Smer-
wick.

Arth. Ba-
ro Grey.

1583